

A2^r

Den Durchleüchtigen/
 Hochgebornen Fürftinen vnd Frawen/ Frawen
 gn Sabinen/ Hertzogin zu Würtemberg vnd
 Tegkh/ Gräuin zu Wümpelgart/ 7c. gebornen Pfaltz-
 gräuin bey Rhein/ Hertzogin in obern vnd nidern
 Beyern/ 7c. Wittiben/ Auch Frawen Anna
 Marien/ Hertzogin zu Würtemberg vnd
 Tegkh/ Gräuin zu Mümpelgart/ 7c. gebor-
 nen Marggräuin zu Brandenburg/ zu
 Stettin/ Pomern/ der Caffuben
 vnd Wenden/ in Schlefien zu
 Jägerndorff Hertzogin/
 Burggräuin
 zu Nürnberg/ vnd Fürftin zu Rüe-
 gen/ 7c. beeden meinen gnedigen
 Fürftinen vnd Frawen.

DVrchleüchtige/ hochgeborne / gne-
 dige Fürftinen vnd Frawen/ Ew-
 ern Fürftlichen Gnaden feiend
 mein gantz vnderthenig/ verpflich-
 ge/ gehorfame Dienft allzeit zuuor/
 Gnedige Fürftinen vnd Frawen/ Nachdem lich
 (vermög aller lieben Heiligen Propheten vnd
 Apoftelm/ ja vnfers allerliebften Herrn vn̄ Hey-
 lands Jhefu Chriffti felbft Prophecey vnd Weif-
 A ij fagungen

A2^v

Vorred.

fagungē/ fonderlich vñ fürnemlich aber/ dieweil/
 wie der heilig Apofitel Paulus zů den Theffalo-
 nichern/ in der andern Epiftel am andern capi-
 tel fchreibt/ der abfall albereit gefchehen/ der
 Menfch der Sünden/ vnd das Kind des ver-
 derbens/ das ift der Widerchrift/ der Bapft zů
 Rom/ fampt feinen Schüppen vnd anhang/ ge-
 offenbart/ vnd Gott hab lob/ in ewigkeit/ durch
 den Geift feines Mundts/ das ift/ durch fein all-
 mächtings/ ewigs Wortt vmbgebracht/ vnd täg-
 lichts je lenger je mehr erlegt vnd überwunden/
 Endtlich aber CHRISTVS/ vnfer lie-
 ber Herr/ durch die erfcheinung feiner letzften vñ
 herrlichen zůkunfft/ jme den garauß machen
 würdt) der jüngft vñ letfte tag/ lich von tag zů
 bag herzů nehert/ vñ gar nahend vor der thür/
 auch alle Creatures/ nach jrer art erleufftzen/
 vnd lich feenen nach jrer erledigung/ von der
 vnderworffnen Dienftharkeit/ Hab ich nit
 vmbgehn kōnden/ von wegen E. F. G. Frawen
 Anna Marien/ fonderlichen (gefchweig der täg-
 lichen) mir in meiner fchweren/ tödtlichen/ des
 verfchinen ein vnd fechtzigften jars/ von Gott
 zůgefchickten Kranckheit/ erzeigten vnd bewiße-
 nen Gnaden vnd Gütthaten/ mit artzney vnd
 anderm/ mich etwas danckbar zůerzeigen. Vñ
 demnach/ auß bit etlicher meiner gūten Herrn
 vnd

A3^r

Vorred.

vnd Freund/ für nutz vnd güt angefehen/ difes
 Büchlin/ fo der heilig Patriarch vnd Ertzbifch
 off zû Conftantinoppel/ Joannes Chrifto
 mus (der gelebt hat vngeuarlich nach vnfers
 Herrn Chrifti geburt/ im vierhundertften Jar
 einem feiner lieben vnd güten freündt zûgefchri
 ben/ in meinung denfelbigen von dem zeitlichen/
 zergenglichen abzûziehen/ vnnd zû betrachtung
 des himlifchen/ ewigen vnd vnzergenglichen an
 zûreitzen. Wölches Büchlin volgents durch
 Joannem Theophilum/ auß dem Griechifchen
 ins Latein gebracht/ auß dem Latein jetzund ins
 Teutfch/ meinem einfeltigen/ ringen verftand
 nach/ zûpringen/ vnd mich alles vermögens be
 fliffen/ bey der Proprietet vnd eigenfchafft der
 wort zûpleiben/ aber von der einfeltigen wegen/
 vnd da es fich beffer hat wöllen reimen/ nit dem
 bloffen Büchftaben nach/ fonder etwas deut
 licher vnd verftendlicher/ doch dem rechten
 inhalt vnd fubftants nichts benommen/ zûuer
 dolmetfchen/ Vnd beeden E. F. G. als fonder
 liebhaberin Göttlichs Worts/ zûdediciern vnnd
 zûzûfcheiben. Mit gantz vnderthenigem bitten/
 E. F. G. wöllen diß ringfügig Wercklin jetz
 mals/ biß durch die Gnad Gottes ein mehrers
 nach difem eruolget/ von mir in gnaden auff
 vnd annemen/ vnnd meine gnädige Fürftinen

A iij vnd

A3^v

Vorred.

vnd Frawen/ wie bißher/ fein vn̄ pleiben. Der
Allngechtig ewig güttig Gott/ wöll durch die
Predig feins allein lebend vnd feligmachenden
Worts/ vnd uditwürckung des heiligen Geifts/
vufere Hertze erwöcken vnd wunder machen/
darumit wir auff follichem groffen/ herrlichen tag
gerüft vnd bereit/ vnferm lieben Herrn vnd Ge-
[pons Jhesu Chritto/ als ein gezielter Gemahel/
mmit freuden entgegel ziehen/ vnd jne sampt dem
Vatter vnd heiligenn Geift/ neben dem gantzen
Hiñlischen Heer/ aller lieben heiligen Engel
vnd aufferwöltten/ frölich aufchawen mögen/
Vols ewigkeit züewigkeit/ Amen.

E. F. G.

Vndertheniger
gehorfamer
Diener.

Thomas Zelling/
von Torgaw.

A4^r

Vorred.

Dem ernhaftten vnd fürnemen
Thome Zellling/ Fürftlichen Wür-
cemburgiſchen Secretario 7c · mein-
em lieben Herrn vnnd
Brüdern.

ES haben beedes/ Chriftus vnd feine Apo-
ftel/ die Zeichen des jüngften tags/ fo vorher
gehn ſollen/ fleißig angezeigt/ die Menſchen dar-
mit zū warnen/ vor der Sünden/ auff das ſie für
des Menſchen Son ſtehn mögen. Wölche all-
berait/ vnd fonderlich zū vnfern letften zeitten
ſich clar erzeigen. Dann nach dem das heilig
Euangelium Chrifti widerumb ans liecht ge-
bracht/ bricht neben demſelben ein das vnorden-
lich/ übermäßiglich leben in effen vnnd trincken/
ſampt dem Geitz/ vnnd der ſicherheit/ daruon
Chriftus weiffaget/ der Glaub verlifcht/ vnnd
die Lieb erkaltet in viler Menſchen Hertzen. So
erzeigt ſich auch das erfchrockenlich Vrtheil Got-
tes über vil Menſchen/ fo in angft vnnd anfech-
tung gerhaten/ darüber ſie jnen ſelbft den todt
thūn. Solchs alles aber vngeacht/ geht der
groß Hauff in ſicherheit dahin/ als wann noch
vil tauſent jar auff die offenbarung des erfchrock-
enlichen Gerichts Gottes were. Der vrfach
halben/ lieber Herr vnnd Brüder/ hab ich gern
A iiij gefehen

Luc. xvij.
j. Pet. iij.
ij. Pet. iij.

Luc. xxj.
Math. xxiiij.

ij. Pet. iij.
ij. Tim. iij.

A4^v

Vorred.

gefehen/ das jr dife ſchöne Predig Chriſtoſtomi/
 in die Teutſche Sprach verdolmetſcht/ wölcher
 ein Gotsfürchtiger/ gelerter vnd gantz beredter
 Biſchoff zû Conſtantinoppel gewelt/ vnnd bey
 vierhundert/ nach der geburt Chriſti/ das iſt/
 vngefährlich vor zwölffthalb hundert Jarn ge-
 lebt/ darinnen er diß Gericht ſo grauſam abgema-
 let vnd außgeftrichen/ das mir nit zweiffelt/ es
 werden ermelte vermanung doch etliche vnder
 dē zerftrewten Chriſten leſen/ vn̄ ſich vō dem ver-
 kerten wandel diſer Welt abziehen/ derſelben vr-
 laub geben/ vnd ſich von hertzen zû Gott beke-
 ren. Es ſchreibt Joannes vor fünffzōhenhuf-
 dert Jarē. Liebe Kindlin/ es iſt die letſte ſtundt/
 ſo werden wir freilich nit vil ſonders mehr all
 diſer reiffenden vnnd lauffenden ſtundt haben.
 Derhalben niemand fein befferung auffſchūbe/
 auff das er nit verkürtzt/ mit den thōrichten
 Junckfrawen ewiglich außgefchloffen bleiben
 müſſe. Geſchriben zû Göppingen/ den 10. Mar-
 tij/ Alſio/ 7c. 1562.
 E. W.
 Jacobus An-
 dree/ D.

j. Joan. ij.

Math. xxv